



Tiingarusunnermut annikillisaataasinnaasunik atuisut Herstedvesterimiinerminni aallartisisimasut nunatsinnittut ikittuararsuusut Naaja Nathanielsenip aamma oqaatigaa.

Assi: KNR/Simon Uldum

# Red Barnet: Atornerluisimasut sakkortunerusumik pineqaatissinneqartalernissaat naammanngilaq

oktobarip 29-at 2018 · 17:11 uannga: [Thomas Munk Veirum](#) · Nutserisoq: [Ane-Marie Petersen](#)

Meeqqanik kinguaassiutitigut atornerluisimasut pineqaatissinneqarnerisa nalaani katsorsarneqartarnissaat, assersuutigalugu tiingarusunnermut annikillisaataasinnaasunik nakorsaatinik atuisoqarneratigut isumagineqartariaqartoq, suliniaqatigiiffimmit 'Kalaallit Nunaanni Meeqqat ikiortigit'-mit isumaqarput.

Atornerluisimasut sakkortunerusumik pineqaatissinneqartalernissaat naammanngitsoq, Meeqqat Ikiortigimit isumaqarput.



- Isiginiartariaqarpagut aamma kinguaassiutitigut atornerluisimasut parnaarunneqaraangamik qanoq pineqartarnerat. Assersuutigalugu tiingarusunnermut annikillisaataasinnaasumik katsorsarneqarnissamut periarfissaqarnerisooq, taamaassimappallu nammineq imaluunniit pinngitsaalisalluni katsorsartittoqarsinnaanersoq paaserusunarluni, Red Barnetimeersoq Jonna Ketwa oqarpoq.

## AAMMA ATUARUK [Kinguaassiutitigut atornerluisartut katsorsarsinnaavavut](#)

Taama kissaateqarneq aallaaveqarpoq Naalakkersuisut siunnersuuteqarmata pinerluttulerinermik inatsimmi allannguissamik, tamanna ilaatigut meeqqat aqqaneq-marluk inorlugit ukiulinnik atoqateqartoqarsimatillugu pinngitsaaliisimasutut inatsisaatsuliortutut nalilerneqartalernissaannik imaqarpoq. Tiingarusunnermulli annikillisaataasinnaasumik katsorsarneqarnissamut periarfissaq, 'Meeqqat

Ikiortigit'-nit ugartorneqartoq, pinerluttunik isumaginnittoqarfimmi pisortamit mianersorfissaqarnera nassuiaatigaa.

- Tamanna imaaliallaannarlugu atulerneqarsinnaanngilaq, taamatut katsorsaariaaseqarniaraanni piffissarujussuaq missuinerpassuillu atoqqaarlugit ingerlanneqartarmat. Akunnerpassuarni oqaloqatigiinnikkut katsorsaaneq ingerlanneqaqqaartarpoq nalilersuinerpassuillu ingerlanneqaqqaartarlutik. (...) lisartagartornermi aamma missortinnerit ataavartumik ingerlanneqartarput iisartakkallu sakkortullutik, Pinerluttunik Isumaginnittoqarfimmi pisortaq Naaja Nathanielsen oqarpoq.

### **AAMMA ATUARUK** Kinguaassiutitigut kanngutsaatsuliortartut katsorsarneqartalissasut

Kinguaassiutitigut atornerluisimasut isertitsivimmiikaangamik ullumikkut katsorsarneqarneq-ajortut, Pinerluttunik isumaginnittoqarfimmi pisortaq nassuiaatigaa.

- Ullumikkut tamanna periarfissaanngilaq. Parnaarussanulli neqeroorut eqqaariigara periarfissaavoq, aammalu kommunini assigiinngitsunik periarfissat aamma atorneqarsinnaallutik. Katsorsaariaaseq "Mumik" eqqaariigara tassaaneruvoq eqqarsartaatsimik allanngortitsinissamik siunertalik, taannalu tamanut neqeroorutigineqartarpoq, Naja Nathanielsen oqarpoq.

Tiingarusunnermut annikillisaataasinnaasunik atuisut Herstedvesterimiinnerminni aallartitsisimasut nunatsinnittut ikittuararsuusut Naaja Nathanielsenip aamma oqaatigaa. Nunatsinnilu katsorsaariaatsimik aallartitsinissamut ilisimasalinnik amigaateqartugut, ukiulli ingerlaneranni misilittagaqarfigileriartorumaarigut taassuma aamma ilimagalugu oqaatigaa.



**Nutaarsiassanik pisartagaqarneq** - KNR-imit emailikkut nutaarsiassat

Ullaakkut nutaarsiassat

Ualikkut nutaarsiassat

Breaking news

Email adressit

Postnormu

ILANNGUSSIGIT